



A caravana 'airstream' de R visitará trece localidades galegas en pouco máis dun mes e achegarse aos seus habitantes presencialmente

## R inicia en Ortigueira e Cariño unha ruta por Galicia en caravana para lle achegar á xente **servizos avanzados + diversión**

- *O operador galego vai percorrer Galicia en ruta durante cinco semanas, recalando en trece localidades coas súas propostas de servizos de conectividade e a tecnoloxía dos terminais vivo.*
- *En Ortigueira e Cariño, do martes 26 ao sábado 30 de maio, o público poderá coñecer, por exemplo, 'internet rural' de R (banda larga con 5G en zonas de acceso difícil) ou o servizo cachocobertura R para interiores con mala conectividade.*
- *R quere manterse preto da súa xente conversando e interactuando en rúas de vilas onde non sempre hai unha tenda R para responder á poboación de Galicia de xeito presencial.*
- *Sobre unha mítica caravana 'airstream' e a través dunha experiencia integral e próxima, R levará a súa oficina, diversión e concursos ás poboacións do periplo.*
- *Entre as propostas lúdicas da caravana, agasallo seguro por atrapar un papel nunha máquina de aire e opción a un 'smartwatch' de vivo*

**Venres, 22 de maio de 2026.**- A caravana de R é máis do que un vehículo en ruta por Galicia cunha oficina móbil e unha proposta divertida. É unha campaña de proximidade que aposta polo contacto directo coas persoas e que deixará pegada logo de cada parada porque ofrece interacción, diversión e servizos avanzados.

O operador galegoponse en ruta o vindeiro martes para chegar **primeiramente ás localidades coruñesas de Ortigueira e Cariño**, onde recalará coa súa caravana 'airstream' ata sábado 30 de maio. Dende aí retomará o periplo e dirixirse, ata finais de xuño, a Betanzos, As Pontes, Celanova, Ribadavia, Barbadás, Caldas, Ordes, Arzúa, Melide, A Estrada e Cambados.

Porque Galicia é un territorio diverso e extenso, con 313 municipios repartidos entre costa, interior, rías e montaña. E esta complexidade orográfica pode dificultar a aproximación a clientes/as unicamente a través de oficinas físicas no territorio. **R** non esquece esta realidade de Galicia e, no canto de esperar a que se achegue a xente, sae ao seu encontro alí onde as persoas pasean, conversan, compran e se relacionan.

### **Cobertura máxima, banda larga con 5G e xogos para todas/os**

No interior da caravana o público pode coñecer as propostas tecnolóxicas de **vivo e os seus terminais e informarse da oferta completa** de servizos avanzados de **R**, onde a conectividade vai sempre por diante.

Por exemplo, o servizo **cachocobertura R**, pensado para inmobles onde, malia o esforzo investidor despregado durante décadas, o sinal móbil non pode penetrar axeitadamente por causas estruturais: muros moi grosos, sotos, locais interiores, edificacións antigas ou con materiais que atenuan o sinal e outras situadas en zonas de especial complexidade arquitectónica ou urbanística. A solución de **cachocobertura** facilita, xusto aí, **cobertura móbil real**, cun repetidor móbil propio autoinstalable dentro da vivenda ou empresa ('femtocelda'). Paralelamente, o **servizo VoWiFi** de **R** pode tamén optimizar a cobertura mediante as opcións dispoñibles nos dispositivos para facer **chamadas de calidade onde non hai cobertura móbil** abonda pero si rede wifi operativa.

Nos vindeiros días, os habitantes de Ortigueira e Cariño poderán coñecer tamén na caravana os detalles do servizo 'internet rural' de **R**, solución de **banda larga a través de 5G** (co "mambo *Axiña*") para ofrecer alta velocidade e wifi 6 ás poboacións de aldeas e lugares onde non é posible levar a fibra óptica. 296 municipios galegos xa dispoñen deste servizo e poden gozar de velocidades de ata 1 Gbps, usar múltiples dispositivos á vez, traballar en remoto ou ver a televisión coa máxima calidade.

Esta e calquera outra información sobre os servizos do operador galego chegará a cada localidade da ruta xunto a unha **proposta lúdica**. Así, "un papel que vale un agasallo" grazas a unha **máquina que lanza papeis ao aire**: quen dea atrapado un deles pode gañar un premio directo e participar no sorteo dun *smartwatch* de **vivo**.



E en paralelo, **concursos previos por provincia en redes sociais** que anunciarán a parada seguinte da ruta para xerar expectativa e convidar a adiviñar o destino máis próximo.

### **Un compañeiro de viaxe moi ...'vivo'...**

**vivo**, unha das tecnolóxicas máis innovadoras do mundo e socio tecnolóxico de **R** no periplo galego coa caravana 'airstream' máis vangardista, viaxa desta volta cunha **oferta especial, exclusiva para a ruta** e só xestionada no propio vehículo.

**R** e **vivo** reforzan, con esta acción para as persoas, valores compartidos de innovación, calidade e experiencia ao servizo da conectividade. Porque a viaxe sempre mellora en boa compañía.

### **... e unha caravana mítica**

**R** elixiu, para esta ruta, un vehículo mítico, rechamante e accesible que trae a xente ao seu rego e, sobre todo, xera conversa. Funciona, ademais, como oficina móbil aberta e visible, facilitando a interacción coas persoas e ese trato humano que sempre estará por riba de calquera innovación tecnolóxica.

Aquí, máis curiosidades da popular caravana estadounidense nada nos anos 30 do século XX: <https://es.wikipedia.org/wiki/Airstream>

